



САМУРДИН


ссс

«Магьарамдхурун район» МР-дин общественно-политический газет.
Общественно-политическая газета МР «Магарамкентский район».

Тешкилайди: «Магьарамдхурун район» МР.

Газет 1951- йисалай акъатзава. № 25 (7741) киш, 13- июнь, 2015- йис. Къимет 6 манат.

РД-дин Госсветдин Гьурметлу
Председатель Магьамедали Магьамедован - 85 йис



— МР-дин АДМИНИСТРАЦИЯДА —

НУБАТДИН СОВЕЩАНИЕ

8- ИЮНДИЗ муниципальный райондин Кьил Фарид АГЪ-МЕДОВА тухвай муниципальный райондин администрациядин аппаратдин совещаниедал «Тебиатдин ва техногенный жуьредин кьетлен гьалара муниципальный райондин агьалияр ва территория хуьнин режяй авай гьалдин ва серенжерин гьакьиндай» планламишнавай месэла гьална.

Совещаниедал килигзавай месэладай доклад МР-дин администрациядин ГО ва ЧС-дин краай отделдин начальник Н. Магетова авуна ва адан винел талукь тир кьарар къабулна.

Совещаниедал гьакI райондин школайра экзаменар вахкун кьиле физвай гьалдин гьакьиндай образованиедин управлениедин начальник У. Абейдуллаеван, райондин больницада азарлуяр сагьар хьувун авай гьалдин гьакьиндай ЦРБ-дин килин дуктур Гь. Беглерован, районда финансин месэла авай гьалдин гьакьиндай финансин управлениедин начальник Э. Ферзилаеван, райондин майишатар дигидай целди таъминарун авай гьалдин гьакьиндай «Хуьрун майишатдин отдел» МКУ-дин директор, хуьрун майишатдин илимрин кандидат Н.Ибрагимован информацийрихъни яб акална.

2015 - ЙИСАН
2 - ПАТАЛ

САМУРДИН

ссс

ГАЗЕТДИН
ПОДПИСКА
КЪИЛЕ ФИЗВА

* * *

ИНДЕКС:
6 вацра - 51406

Г А З Е Т
райцентрдал почтамтда,
хуьрера адан отделенийра
подписка ийиз жеда.

* * *

ГАЗЕТДИН КЪИМЕТ
6 вацра - 153 манат



ИНСАН ВА АДАН КАР

РИКИ АЧУХ, ПЕШЕДАЛ



ГАТФАР, тебиатдал чан ақьалтзавай гуьзел вахт. Емишрин тарар цуькведа авай и милайим береди инсандин уьмуьрдал ашукь жедай гьиссер гужлу ийида. Чил алван-алван цуьквери кьада. Бязи цуьквер регьятдиз хьсан, пурпу накьвадай экьечда. Амма виридахь рики члугвадай гуьрчегвални атир жедач. Бязибур лагьайтла, четин, кьван квай чиляйни экьечда, чпин гуьрчегвилелди, атирдалди гьар садан фикир чпел члугвада. Ихьтин инсанарни жеда. Чеб кесиб хизанра члехи, аялвал четинди хьанатлани, абурукай халкьдиз хийир гудай рухва-ярни рушар хкатда, чпин баркаллу краралди инсанрин фикир чпел члугвада. Гьа ихьтинбурукай сад и йикьара вичин 60 йисан юбилей кьейд авунвай, Федеральный казначействодин Дагьустанда авай управлениедин Дербент райондин отделениедин начальникдин заместитель яз кьвалахзавай Самедин Сейфединович ИСМИХАНОВ я. Ам 1955-йисан 25- апрелдиз Магьарамдхуьруьн райондин Советский хуьре кесиб лежбердин члехи хизанда дидедиз хьана.

Самедин стхадин гафарай малум хьайивал, адан вад йис хьайила, буба рагьметдиз

фенай. А девир четинди тир. Халкь кесибвиле авай. Гуьлжагьан дидедиз члехи хизан кьвачел ақьалдиз лап четин хьана. Вад аял, сад-садалай гьвечибуьр, тлуьн гана, партал алукина канзавай. Итим кьилел аламачир сифте кьилерай Гуьлжагьан дидеди вичин хивез аватнавай залан пар дагьви дишегьлидиз хас кьайдада ялна. Кьвез-кьвез члехи жезвай аялрин игьтияжриз сад хьиз кьуллугьиз агакь тавуниз килигна, рикле тал аваз, Гуьлжагьан дидеди вичин хва Самедин детдомдиз вугузва. (За рикле са гьихьтин ятлани пашман гьиссер аваз Самединан суьгьбетдихь яб акалзава, амма гьа и арада зи вилерикай кьван авай, четин накьварикай хкечзавай, вичин гуьзелвилелди гьейранарзавай атирлу цуьк карагзава).

-Детдомда хьайи сифте йис заз лап четин ақьвазна,- рикле хкизва Самедин стхади. -Кьвале дарвиле яшамеш жезвайтлани, хизанда хьсан тир. 6 йисалай башламышна, я бубадин, я дидедин хуш кьведай гаф алачиз фена зи аялвилин уьмуьр. Зун гьа гьвечи члалай жуван вилик ақьваззавай месэляр жува гьалдай рекьер жагьуриз вердиш хьана. Ина феи муьжуьд йисан уьмуьрда чаз тербия ва чирвилер гайи, чаз бубавал ва дидедал авур Софья Рашидовна-

дин, директор Муьмин Рашидован, завуч Гьасан Вагьабован, Межид Вагьабован тварар члехи гуьрметдалди ва чими гьиссералди рикле хкизва за.

Бязибур, гьакл жуван уьмуьрдин юлдашдини кваз гилани заз суал гуда: «Авай пуд хцикайни кьве рушакай гьа вун вучиз детдомдиз вугайди я?». Муькуь балайриз килигайла, патан чкада завай зи кьил ақьудиз жедайди дидедиз чизвай жеди. Зун зи дидедикай гьич са клусни бейкеф туш. Тек дишегьли яз, куьмекдин гьил ярги ийидай касни тахьайла, гьелбетда, адаз гзаф четин тир. Са гьал кьванни кьезил хьурай лагьана авур кар я жеди.

8-класс детдомда ақьалтларайла, дидеди Самедин хуьруьз хкизва. Ина 9-10- клас-сра хьсан кьиметар аваз клелунилай гьейри, Самедина школадин, общественный ва спортдин уьмуьрдани иштиракзава. Ам волейболдай школадин хьягьай командадин член, школадин футболдин командадин иштиракчи тир. Спортдин ва общественный уьмуьрда активнидаказ иштирак авунай ам хейлин грамотайризни дипломриз лайихлу хьанай.

2974- йисуз школа ақьалтларайла, адаз мединститутдик экечлиз клан хьана. Са бязи себелриз килигна, и мурад кьилиз ақьатзавач.

Гьа и йисуз ам Дагьустандин политехнический техникумдик экечизава. 1975-йисуз Самедин производстводин практика кьиле тухуз Ульяновск шегьердиз ракьурзава. Практика ақьалтларна хтайла, ам Махачкьаладин пивзаводдиз кьвалахиз физва. Армиядай хтайдалай кьулухь ада са йисуз «Фрунзенский» совхозда рабочий яз зегьмет члугвазва. 1978- йисуз ам ДГУ-дин гьазурвал аквадай курсарик экечизава. Курсар хьсан кьиметралди ақьалтларай ам ДГУ-дин сад лагьай курсуна клелзавайбурун сиягьдик кутазва. За Самедин стхадивай клелдай йисара

ИНСАН ВА АДАН КАР

АШУКЪ ИНСАН

хъайи, риклел аламай са агъвалатдикай суьгьбетун тлалабзава.

-1980-йисуз ДГУ-да къецепатан уьлквейрай атанвай студентри келлиз башламишна. И йисуз ДГУ-да келлиз Кубадаини Лаосдай атанвай жегьилар къабулнай. Университетдин ректор А. Абилова къецепатан уьлквейрай атанвайбуруз Дагъустандин адетар, ацукъун-къарагъун, урус члал ва чеб ина тухудай къайда чирун патал абурухъ университетда хъсандиз келзавай, общественный уьмуьрда активнидаказ иштиракзавай чешнелу студентар галкIурнавай. Абуруз чкадин къайдаяр чирзавайбурун 20 касдикай ибарат дестедик зунни квай.

ДГУ акъалтIарай С. Исмиханов Самур хуьруьн сельподиз кIвалахал реке тунна. А вахтара келлунар акъалтIарайбуру СССРдин вири республикайриз ракъурзавайди тир. Вун Самурдиз гьикI хъана ракъурайди тир?- суалдиз Самедин стхадихьтин жаваб гана:

«Келзавай йисара зун ректордиз лап мукъувай чир хъанвай. Ам чешнелу студентри гьуьрметдивди эгечIдай. Чаз са гьихьтин ятIани четинвилер хъайила (келлуни патахъай ваъ гъа), ада кумекар гудай. Зун Самурдиз ракъурунин себебни захъ, эвленмиш хъана, са аял аваз хъун тир. Патара хизан галаз кьил акъудиз заз четин жедайди чиз, ада заз Самурдиз направление гана. ТахъайтIа зун Красноярск шегьердиз акъатзавай.

Самурдин сельпода муьжуьд йисуз кIвалахайдалай гуьгъуьниз ам Дагпотребсоюздин Магъарамдхуьруьн районда авай «Сельхоззаготконторадин» директорвилин къуллугдал тайинарзава.

И йисара вичин чирвилер хкажунин мураддалди ам Ростовада авай Вирироссиядин финансинни экономикадин институтдик экечIзава. Чи риклел аламайвал, а девирда чпин хуси кIвалерихъ галай чилера салан

майваяр цазвайбуруз, багъларай емишар кватIзавайбуруз сельхоззаготконторайрикай хейлин кумек хъана. Гъазур продукция чкадал къабулзавай, инжикли тавуна пулни вахузвай. Чкадал са куьруь вахтунда продукция къабулна, Россиядин шегьерра яшамиш жезвай агъалийрин столрал агакъарунин, маса гудай идарайрихъ галаз икърарар кутIунунин везифаяр заготконторайрин хиве авай. Амма, гъайиф хьи, гила сала зегьмет чIугвазвай лежбердивай гьасилзавай суьрсет къачудай са идарани амач. Иниз килигна, халкъди чилел зегьметни чIугвазмач. Базарин кьиметарни цавариз акъуднава. Эвелдай хьиз, гилани Самедин стха хьтин кар алакьдай итмар кыле акъвазна, заготконтораяр кардик кухтунайтIа, продукция гьасилзавайбурун жергеяр артух жедай. Халкъни хийирлу зегьметдив, кьве гьил къакъажна, эгечIдай.

Ина ругуд йисуз гьакъисагъвилелди зегьмет чIугурдалай къулухъ ва хъсан пешекар хъуниз килигна, 1997-йисалай ада Федеральный казначействодин Дагъустанда авай управлениедин Магъарамдхуьруьн райондин территориальный отделениеда федеральный бюджетдай къвезвай пуларин отделдин казначейяз ва 2011-йисуз Федеральный казначействодин Дагъустанда авай управлениедин Дербентдин территориальный 2-нумрадин отделдин начальникдин заместительяз кIвалахна.

Чи арада суьгьбет хъайила, Самедин Сейфединовичан кIвалахдиз Федеральный казначействодин Дагъустанда авай управлениедин Дербентдин территориальный къвед лагъай нумрадин отделдин начальник Фаргъад Кичибегова ихьтин кьимет гана:

-1997- йисалай Самедин Сейфединовича Федеральный казначействодин Дагъустанда авай управлениедин районрин

отделениера гъар дережадин къуллугърал гьакъисагъвилелди зегьмет чIугуна. Ам кар не-тижалудаказ кылиз акъудиз жедай кас я. Икъван йисара гъар дережадин къуллугърал ада вич анжах хъсан патахъай, тежриба авай пешекар яз къалурна. Адаз вичин кар лап хъсандиз чида. Ам рикI ачух, вичин пешедал ашукъ инсан я. Идарада ада вичихъ галаз кIвалахзавай жегьилриз гъамиша тежрибадинни методикадин рекейи кумекар гуда. Ада коллективдин общественный уьмуьрда активнидаказ иштиракзава. Самедин Сейфединовичаз коллективдин арада чIехи гьуьрмет ва авторитет ава. Адакай, адан кIвалахдикай, хизандикай хуш келимаяр мадни лугъуз жеда. Ам гьакъисагъвилин, пешекарвилин, савадлувилин, рикIин ва гьилин михъивилин чешне я.

Самедин стхадихъ туькIвей хизанни ава. Адан уьмуьрдин юлдаш Заира Советский хуьрай я. Малимвиле кIвалахзава. Абурухъ вад руш ава. ЧIехи руш Сагида Дербентда, Тамил алай вахтунда кIвалахиз Санкт-Петербургда, Надежда Дербентда ава. И рушарихъ кылин образование ава ва туькIвена- дигана чпин хизанрихъ галаз яшамиш жезва. Виридалайни гьвечи руш Эмилияди медколледжда келзава. Самедин стха ругуд хтулдин чIехи буба я.

КIвалах авур идарайрин патай Самединан намуслу зегьмет хейлин Гьуьрметдин грамотайралдини чухсагъулдин чараралди къейднава. Самедин Исмиханов анжах вичин галатун тийижир зегьметди, баркаллу кIвалахди агалкъунрин куклушрив агакъарна. Вун мадни гьуьндурь дережайрив агакъун чи мурад я.

**Къагъриман
ИБРАГЪИМОВ.**
(«ЛГ»).

СУЬГЪБЕТ



(Эхир. Эвел 24- нумрада).

- Ихтияр гайитла мад са суал. Малум тирвал, гылин туплар сад хьтинбур туш. Классдин аялар мадни башкъа. Бес куьне тарсуна абурухъ галаз келунинни тербиядин кваллах гыкI тешкилзавай, четин туширни?

-Хъсан суал вугана куьне. Гьелбетда, четин тир. Анжах четинвал-им умуд атутI, мад са чара-мумкинвални амач лагъай чIал туш къван. Малимдин зегъметдин къетIенвилерикай сад тарс гъавурда акъадай тегъерда, фасагъат чIалалди, аялдихъ авай чирвилерикай даях къуна тешкилун я. Классда суредихъ лап хъсан къатIунрин, чирвилерин аялрихъ галаз санал зайиф, бес къадар гъазурвал авачир аяларни галайди фикирдай акъудна виже къведач. АбурадатIана гуьзчивал герек я.

-Жегъил малимриз кеввай гъихътин меслятар гуз жеда?

-Жезмай къван жуван чирвилерин дережа, педагогвилин устадвал хкажун патал зегъмет чIугу. «Малим кIелзамай къван гагъда яшамисхъ жеда», - лугъузва. Гъахълу гафар я. КIвенкIевечи теж-

САДРА ХКЯГЪАЙ ПЕШЕДИЗ ВАФАЛУВАЛ

рибадикай карчивилелди менфят къачу, гыч са чIавузни жуvinе къамир. Аялрихъ галаз хъсан рафтарвал хуьх. Виридалайни кIевивалдай судуяр аялар я лугъуда. Абуруз вири аквада, ван къведа, анжах такурдай, ван тахъайдай къада. Эгер аялдин вилик малимдиз гуьрмет, авторитет хъаначIа, адакай хъсан физик жеда, амма физикадин хъсан малим жедач. Гыч са чIавузни аялдин кефина эцямир, адал гыл хкажмир, чир жедайдаз ишара бес я.

-Багъишламиша, квехъ гукуматдин наградаяр авани?

-Зи гъакъисагъ зегъмет Октябрский Революциядин ордендалди, са шумуд медалдалди лишанлу авунва. Захъ гъакI Гуьрметдин грамотаяр ава. Виридалайни чIехи награда зун патал алай вахтунда республикадин, райондин карханайра, организацийра, идарайра, школайра, вузга гъакъисагъвилелди зегъмет чIугъузвай зи вилкан ученикар я. Абурун жергеда руководителар, алимар, депутатари ава.

-Жечни тIварар къуртIа.

-Лазимвал аквазвач. Абурун тIварар виридаз гъакIани ашара я.

-Хъсан, пешедикай куьн рахана. Квехъ авай грамотайрай аквазвайвал Куьн общественный уьмуьрдинни яцIа аваз хъана.

-Эхъ, за школада комсомолдин, партийный сифтегъан тешкилатрин секретарвилин, женсоветдин председателвилин, пропагандиствилин, хуь-

руьн ва райондин Советрин депутатвилин тапшуругъарни тамамарна.

-Сабике Абдуллаевна, аквазвайвал, Куь аял вахтар Ватандин ЧIехи дяведин мишекъат йисарал ацалтна. Жечни са шумуд келима гъа бередикай лагъайтIа. Куь рикIел аламани дяведин йисар?

-ГыкI мегер! Къе хъиз алама,- са легъеда чиниз серин яна Сабике учительницадин. Гъиле яракъ къаз жедай къван итимар вири фронтдиз фенвай, гъатта малимарни кваз, тарсар чIехи классрин ученикри гузвай. Хуьре амайбур дишегълияр, аялар, набутар, яшлугур тир. Хуьруьн майишатдин саки вири кIвалахар дишегълийрин хиве гъатнавай. Абуру цан цазвай, гвенар гуьзвай, векъер язавай, малар хуьзвай. Чна никIерай къуьлуьн къилер хкIватIдай, жагъизвайди гъажибугъададин кIапарикай чранвай фу тир. АлукIдай пек-парталдикай мадрахамир, къит тир. А макъамда чи хуьре гыч электрикдин экверни авачир, кIвалера экв гузвайди нафтIадин лампаяр тир. Йифиз геждалди чна чIехи дишегълийриз аскерриз элжекар, гуьлуьтар, сун маса шейэр храз куьмекар гудай. РикIел алама, а вахтунда чIулав фитеяр алай дишегълияр, чуру тунвай итимар гъалтдай. Заз чир хъайивал, абуру Ватандин азадвал патал дяведин къизгъин женгера чан гайи чпин багърийрихъ яс чIугъузвай. Ара-ара инлай-анлай йикъни шувандин ванер къведай, им санин ятIани хизандив почталъонди чIулав хабар агакъар-

на лагъай члал тир. Заз члехибур шехъдайла язук къведай.

-Нубатдин суалдин мана виликамаз аян хъайи Сабике учительницади давамарзава:

-Гъикъван шаддиз, гурлуз къейднай хуърънбуру Гъалиб-вилинин югъ. ИкI, сад лагъана инсанрин гуьгъуларни дегиш жеда къван. Гитин дагъдин этегрив гвай чи хуърък далдам зурнедин хуррам ван кутунай. Чка-чкадал, гъар магъледа, куьчеда, квалерин вилик шад межлисар къурмишна. Садбуру хвешивиллай бармакар цавуз вегъезвай, муькуьбуру сада-сад къужахламишзавай. Гъалиб-вилинин югъ мубаракзавай, хуърън клубдин къурук малар туклуна хуьрекар гъазурна суфраяр дуьзмишна. А гуьзел майдин йикъан къетленвал гафаралди лугъун четин я, килигдай, аквадай къве вил клан тир. Дяведин эхир-пехир хъанвайди раиж хъайила за тадиз бадедиз «Гитлер магълуб хъана» лагъана муштулух ганай. Къве гълни цавуз хкажна хъиз кесибди «Я Аллагъ, вичиз лянет хуьрай, инсафсуз кафир», - лагъана ван алаз шехънай ам. Заз сифте яз баде шехъиз акуна. Бахтунай и накъвар шадвиллин, дамадинбуру тир.

-Эхиримжи суал. Сабике Абдуллаевна, чи суьгъбет Гъалиб-вилинин 70 йис там хъанвайла къиле физва. Идахъ галаз алакълу яз Квез вуч лугъуз кланзава?

-Къуй чи винел чими рагъ, вили цав хуьрай. Дяве мад чаз, чи веледриз садрани тахкурай. Дуьнья ислягъ хуьрай.

-Итижлу суьгъбетдай чухсагул!

**Агъадаш
НАГЪМЕТУЛЛАЕВ.**

ИЛТЪЯЛ

Исмихан КЪАДИМОВ

ДИДЕДИН ЧІАЛ КВАДАРМИР

*Члал садрани квахъдай туш
Халкъ вич битав авуртла,
Адан дувул, куклушдин
Къемаз къайгъу чуьгуртла.*

*Къе дидед члал хуьх лугъуз
Чун гуьгъуьна тахъайтла,
Садбур чара тахъайла
Къариблухриз катзава.*

*Садра вил вегъ, члал квахъун,
Чи къайгъуда вуж жеда?
Къе чун авай гъал квахъун,
Ам лап члехи гуж жеда.*

*Саймазбур хъайитла чун
Дувул буш жез эгечда,
Чавай члал хуьз тахъайтла,
Къаратикен экъечда.*

*Гаф гафунихъ акализ
Агъзур йисар фейид я.
Миллет гужлу хъун патал,
Члал арадал гъайид я.*

*Чун савадлу миллет яз
Члал чухъ авай масан я,
Ам несилдин ядигар
Диде, буба, Ватан я.*

*Дуствал, гуьурмет гзаф жез,
Члала хуьр-квал агудна,
Меденият, дамах жез
Чи халкъ виниз агудна.*

*Вири члалар чир ийиз,
Валлагъ хуьхъ зи члалахъ куьн.
Жуван хайи дидед члал
Дамахда тваз алахъ куьн.*

*Жегъил несил квал-югъ таз,
Акъл тийиз япалай,
Кат тавурай къушар хъиз
Абур хайи мукалай.*

*Им вахт я чаз датлана
Даим са гаф эзбердай.
Жуван багъри миллетдиз
Члал хуьх лугъуз эвердай.*

Ражадуллагъ САЛМАНОВ

Къвед яначиртла...

Къиса

ЭКУЪНИН вахт тир. Аялар школадин вилик кватI хъанвай. Зенг яна. Аялри партайрихъ чкаяр къуна. Са арада сефилдиз хуьчуьк журнал кутуна малимни атана. Аялриз салам гана, столдихъ ацукъна вичив гвай журнал ачухна. И арада са аялди гъл хкажна малимдивай ихтияр къачуна лагъана:

-Малим, вун инжиклу жемир, вун классдиз гъамиша хуьурез-хуьурез къвезвайди къе сефилдиз вучиз атана?

Малим къве риклин хъана, эхирни жаваб гана:

-Валлагъ, балаяр, за квез лугъун гълк ийин, талгъана гълк тан, сенфиз авай-авачир жейрандин сес авай зи клек къена.

-Накъ, малим, за акъван хъсан тарс лагъайла вуна заз къвед яначиртла, сенфиз ви клекни рекъидачир.

-Багъишламиш, чан бала, - лагъана малимди, - мад сеферда за ваз вад яда.

Нурудин НАСРУЛЛАЕВ

Аялдин темягъ

Къиса

БАДЕДИН гарданда авай къизилдин зунжурдал темягъ фенва бици рушан. Ада, къужахдиз гъахъна, шуькълуь тупларин клвенквер алтадзава и царцлар гузвай надир шейинал.

-Им иерди-е, заз це ман де-еъ, - лугъуз бадедин гардандал, ченедал бици туплар алтадзава, вичин жуьреда тавазивилер ийизва. Аялдин темягъ миьхиз фенва и царцлар гузвай иер шейинал.

-Чан дидеди-ин, диде вуча, агъа хуьруьз фидайла, и аманат ваз туна фиде, - къилелай кап алтадна, бици хтул чуькъвена агудна вичин хурудив.

Гила, дидеди гарданда къизилдин зунжур тваз акурвалди «Де, вун мус фидайди-е агъа хуьруьз?» - лугъуз гъавалат жезва аял адал.

СУВАРИН ВИЛИК СУВАР

АЯЛАР ХУЪДАЙ Международ- ный йикъан вилик Магъарамдхур- руьн «Солнышко» бахчада и су- вариз талукъарна шадвилер кы- ле фена. Варцелай гъаятдиз гъа- хъайвалди кье ина сувар кыле тухузвайди гыссзавай, бахчадин коллективди иниз къвезвай аялар, абурун дидеяр сивел хъвер алаз къаршиламышзавай. Хуш авазри иштиракчийрин гуьгьулар мадни шадарзавай.

Хунча хъыз туклуърнавай бахчадин гъаятда тербиячийри чпин дестейра авай аяларни, абурун диде-бубайрни галаз гъар са няметдалди безетмишнавай столрихъ чкаяр къуна.

Мярекат гъа и бахчадин со- циальный педагог Э. Мирзоева- ди ачухна ва кыле тухвана. Аял- риз сувар тебрикай диде-бубай- рин комитетдин председатель Т. Тагъировади, жегъилрин крарин ва туризмдин рекъай МКУ-дин директор М. Рамазанова, обра- зованиедин работникрин проф-



союздин председатель А. Ханмаг- амедова ва са жерге мугъманри ихътин мярекатри акъалтзавай не- силдиз хъсан патахъай таъсирза- вайди ва абурун садвал артухарза- вайди лагъана.

Бахчадин тербиячийри аялрин иштираквал аваз концерт гана. «Умка» центрдин активистри чпин

нумраярни къалурна. «Солнышко» бахчада кыле фейи и сувар гъам аялрин, гъам диде-бубайрин рикел яргъалди аламукъдайди хъана.

А. АЙДЕМИРОВА.

Шикилра: «Солнышко» бахча- дин аялар.

Р. ГЪАЖИЕВАН шикилар.



ГРАФИК

приема граждан в Местной общественной приемной партии «ЕДИНАЯ РОССИЯ»
на июнь, 2015 г.

ФИО	ДОЛЖНОСТЬ	ДАТА ПРИЕМА	ВРЕМЯ ПРИЕМА
Абдулгалимов Анвар Назырович	Руководитель местной общественной приемной партии	19.06.2015	10.00 – 17.00
Габиев Тамерлан Абдулахович	Начальник УСЗН в Магарамкентском районе	26.06.2015	10.00 – 17.00

Руководитель Местной общественной приемной

Абдулгалимов А.Н.



Дуьньядилай цлар илитна



ЖЕГЪИЛ хизан дуьньяда виридалайни кесиб уьлкве тир Бурундидин куьчеда Африкадин гзаф халкьариз адет хьанвайвал, квалин майишатдин квалахрин залан пар вири дишегълидин кьуьнерал ала. Гьа са члавуз итимдин гилер гьамиша азаддиз хьун герек я. Гьуьрч авун ва хизан хуьн патал.

ОБАМАДИН РУШАЛ ЭВЛЕНМИШ ЖЕДАЙ НИЯТ АВА



КЕНИЯДИН юрист Феликс Кипроноди вичихь США-дин президент Барак Обамадин члехи руш Малиядал эвленмиш жедай ният авайдан гьакьин-

дай малумарна. Сусвахь рехь яз ам 70 лапаг, 50 кал ва 30 цегъ гуз гьазур я. Идан гьакьиндай, Кениядин прессадал асаслу хьана, «Вашингтон Таймс» газетди хабар гузва.

Кипроноди, Обама июлдиз Кениядиз мугьманвилиз атайла, адан рушал эвленмиш жез кланзавайдан гьакьиндай вичи лугьуда. Кипроноди малумаривал, Малиядал эвленмиш хьуникай ада фадлай фикирзавай ада, Америкадин президент Кениядиз мугьманвилиз кьведайла, вичихь галаз рушни гьун патал ам члалав гьйдай чар туйкьурзава.

30 ЙИСАЛАЙ КЬУНА

26-МАЙДИЗ Бразилиядин полицияди 30 йисуз гьинаватла жагьин тийизвай Италиядин мафиядин башчи дустагьна, хабар гузва Рей-



терди. 56 йис хьанвай Паскуале Скотти Интерполдин ва Бразилиядин полициядин саналди тир серенжем тухунин нетижада Ресифи шегьерда кьуна.

СААКАШВИЛИ- ГУБЕРНАТОР

ОДЕССАДИН областдин администрациядин цийи кьил Михаил Саакашвилиди вичин квалах региондин руководстводин месэлайрилай, гьакл



контрабандадихь галаз женг члугунал машгьул хьунилай башламишун кьарардиз кьачунва. Идан гьакьиндай 30-майдиз «5-каналдин» эфирда малумарна, хабар гузва «Интерфаксди»

КЪУНШИВАЛ

Яргъа авай мукъвадалай...

ЧИ БУБАЙРИХЪ «Яргъа авай мукъвадалай мукъвал алай къунши хъсан я», «Квал кутадалди къунши вуж ятла чирна кланда»- лугъудай хъсан мисалар авайди я. Дугъриданни, экъунахъ варцяй экъечлайла, къуншидиз сивел хъвер алаз салам гана, адан гъу- гъульрикай къуна жуван дердий- рив эгечлунни малкамутдин чин анихъ элкъурна виликай фейи- даз себ гана югъ башламишун сад жедач. Чилер къачуна, квалер эцигна, хизанар кутуна, уьмуьр санал кечирмишзава, амма кеве гъатай са дуьшуьшда куьмек гудай чкадал къуьл илисиз алахъзава.

Инал аз газет келзавайбурун фикирдиз са месал гъиз кланзава. Советск хуьруьн са куьчеда гъа- миша къар, жими палчух аваз, юкъвайни яд авахъиз са шумуд йис я. Гъинай къеззва а яд? Гъа и магъледа яшамиш жезвай са кас- дин гъамамдай. Къаб-тлур чуь- вей яд ведродиз кватлиз куьче- диз хъичезва. Инал суал къеззва вучиз? Бес а фагъирди вуч аву- рай, салан чил вине ава хвал агъ- ада. Яд хулаз авахъдайвал туьклуьриз жезвач. Къуншийри адав цин турба чпин турбайрик кутаз тазвач. Вичин квалелай къубудал къван турба кутадай их- тиярни къуншийри гузвач. Бес гила вуч авурай и касди?

Суддиз физ кланзавач, меслят- дал гъализ жезвач. Вичин квалелай къубудал къван чилин кланикай турба тухвайла садазни са манийвални жезвач, амма гудач къуншидиз ахътин мумкинвал...

Чапла пата авай государство- дин квалера гъа и хуьруьнбур, па- талай атанвайбур яшамиш жезва. Абуру къанунрихъ галаз къадайвал документар туьклуьрна квалер чпин квачиз янава. Аферин, баркалла. Чпиз къубудин къерехарни кевна, куьчедихъайни акал хъувуна ге- гъенш гъаятарни туьклуьрнава. Куь- че гуйтуь авунватлани, чуькъдай касни хъанач. Гила а касдиз яд авахъдай турба вичин харжийрал- ди кутаз клан хъайила, сада вичин цурин кланикай жезва, муькуьда гъаятдай жезва лугъузва. Пуд лагъ- айда ерли хев кутазвач. Я хизанар сагъ хъайи куьн, и дуьньядилаи ин- сандивай са шейни тухуз хъайид туш. Дуьньядин девлетар къазан- мишай пачагъарни агъаниз гъилер ичлиз физвайди я. Куь азгунвилер вуч я?... Са суфрадал ацукъиз къа- рагъдайди, мел мехъериз куьме- кар гудайди, четин квалахдик къуьн кутадайди, эверайдаз гъай гудайди къунши я эхир. «Яргъа мукъвада- лай, къвалав гвай къунши хъсан я» лагъаначирни бубайри. Бес къе па- тав гвай къуншийри яб тагайла, вилик-къилик квайбуру кваз такъур- ла, садахъни инсаф, адалат тахъ-

айла ам арза гваз гъиниз фирай? Ви турба чилик ква, яд авахъза- ва, къвалалай адан турба акал хъувуналди члур жезвай квалах авани? «Вири пис хъурай, зун хъсан жеда – за акъудда къунши кевяй лагъана», - хуруз гуд ядай уьткъем касни абурун арада авач.

Чун инал ам гъихътин къун- ши ятла адакай рахазвач, ам инсан я. Алай вад квалин ара- да са и гъвечи месэла гъализ тахъун аламат кар я. ИкI хъайи- ла аватзава суд - дуванриз, къал-макъал, хъилер жезва. Аяларни хъел яз члехи жезва. Гъавилияй акъалтзавай несилдиз гъвечи-члехи чин тийидай, чпиз чидайдалай артух тийидай, къайгъусузар яз члехи жезва. Ки- мерал, жемят кватI хъайи чкай- рал акъалтзавай несил русвагъ- зава, амма жегъилар члехибуру къалурай рекъай физвайди рикелай ракъурзава.

Ша чун регъимлу жен. Къвал къвала аваз уьмуьр акъудзавай къуншидин кефи хан тийин. Хизанда, магъледа, хуьре садвал хъайила Ватандин сенгерарни мягъкем жеда. Пата- рив гвайбурухъ галаз хъсан алакъаяр хвейила ислягъ уьмуьрдихъ умуд кваз, рикI ар- хаин яз яшамиш жедайди фи- кирдай акъуд тийин.

А. АЙДЕМИРОВА.



**ФУТБОЛ
ПЕРВЕНСТВО РОССИИ
III-ДИВИЗИОН ЮФО, СКФО**

«ЛЕКИ»
МАГАРАМКЕНТ

«ПОЛИТЕХ-ГБОУ РДЮСШ»
МАХАЧКАЛА

17.06.2015г.

Начало: 17.00 часов.

Стоимость билета – 100 рублей.

Магъарамдхуьруьн 1- нумрадин юкъван школа акъалтларайдан гъакъиндай 1998- йи- суз Шамилова Рита Насрулаевнадиз гайи А-2630482- нумрадин аттестат квахъуниз ки- лигна къуватда ама- чирди яз гъисабин.

Редактордин
чкадал
Ф. ГЪАЖИЕВ.

Газет гъафтеда
садра акъатзава.

Газет Магъарамдхуьруьн райондин адми-
нистрацияда регистрация авуна.

Регистрациядин № 301.

Редакциядин адрес: Магъарамдхуьр,
Ленинан куьче, 4.

Телефонар: редактор- 25-1-37, жавабдар
секретарь - 25-1-39, бухгалтер-25-9-69.

Чап ийиз вахкудай вахт - 16.00.

Чалун патал къул члугуна- 15.00.

Газет ООО «Самур» типографияда
гъазурна ва гъана чапна. 368780. Ма-
гъарамдхуьр, Ленинан куьче, 4.
Лезги члал.

Индекс 63340. Тираж 1458.
Заказ № 25.

+7